



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXVI. Markgraf Ludwig der Römer tritt für sich und den Markgrafen Otto der Stadt Eberswalde das Eigenthum seiner dortigen Mühlen für 90 Pfd. Brand. Pfenninge ab, am 25. Juli 1353.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

den Dienst, den sie vns gedan hebben vnd noch dun mogen, dat Brugk tu Lichtervelt mit sodaner Scheide von deme Damme tu Lichtervelt an die Veltmargke, vnd den gewonnen acker tu Lichterveld rechte lang nyder vnd vort an die Margke tu Britzig rechte langk nyder, wente an ein Sehe, die heit die Jacopstorp, mit Vriheit, mit Frucht, mit Nut, mit Grafe, mit Wesen, mit Weiden, mit Holten, mit alleme Rechte vnd alle den dat dortu hort, also et die hochgeborne Forsten vnse Vorfarn, Marggreven tu Brandenborch, den God gnedich sie, vnd wi gehat vnd beseten hebben, wente an desse stunt, en ewichleke vnd fredelike tu besitten, utgenommen des Wiltbanes vnd Gegheides, dat wi vor uns selven beholden. Und vorloten alle des Rechts, des wi oder vnse Erven und Nachkomelinge doran hebben mogen, Also dat si dat verlichen holden vnd besitten scholen, als ander ore eygen Gut. Ouk will wi dat die vorbenumden vnse getruwe Ratmanne vnd Borger tu Everswalde noch Voyde noch Undervoyde, Heidenrider noch geyner hande vnser Ambacht Luede an den vorgeschreven Bruke vnd den Gnaden hindern scholen. Dat desse Dingk stede vnd gantz bliven, des hebbe wi vnse Ingesiegel an dessen Brief gevangen. Des sint Tüghe die düchtigen Manne Frîdrich von Lochen, Petir von Breidow, Laurenz Griefke von Griefenberg, Haffe von Wedel von Valckenborch, Claus Sack, Riddere, vnd Otto Morner vnd ander erbar Luede gnuch. Gegeven tu Everswold, nach Gods Geburt dritteynhundert Jahr, darnach in dem twey vnd festigsten Jare, des nehesten Montages nach Send Lucien Tage.

Nach dem Original-Abdrucke in v. d. Hagen's Besch., S. 260. — Eine alte Copie, wornach dieser Abdruck berichtigt worden, setzt die Urkunde in das Jahr 1360.

XXVI. Markgraf Ludwig der Römer tritt für sich und den Markgrafen Otto der Stadt Eberswalde das Eigenthum seiner dortigen Mühlen für 90 Pfd. Brand. Pfenninge ab, am 25. Juli 1353.

Wi Lodewich die Römer, von Gods Gnaden Marggreve tu Brandenborch vnd tu Lutz, des heiligen romischen Rikes overster Kemerer, Phallantz Greve bie Ryne vnd Hertoge in Beyern, Bekennen openbar vor vns, vnser Bruder Herrn Otten, Marggreven tu Brandenburg, vnd vnse Erven, vor allen guden christen Lyden in diesem Brieve, dat wi med volkomen Vorrade und med guden Willen hebben gegeben und geven, vorlaten vnd laten, voreygent vnd voreyghen, den Eyghendum over vnd in der Mollen vnser Stad tu Everswold den vorsichtegen Lüden, vnser Lywen getruwen Ratmannen vnd den gemeynen Borgern, die nu sint vnd hirna ewich tu komende sin, vnser vorbenünder Stat tu Eberswold med aller frucht, med aller Nut, med allen Gemake, med me Gerichte up den damme von eyner Brügge tu der andern, med alle dem Anegevelle, vnd med alle deme rechte grot oder klyne, hoch oder neder, als et vnse Vorvaren die Marggraven to Brandenborch von older vnd wi gehat und vollkommen beseten hebben wente an desse Stund. ewichleke vredeleke und sunder allerleie Ansprake vnd hinder tu hebben vnd tu besitten, von vns, vnser bruder Marggraven Otten vnd vnser Erven, also dat vnse lyve getreuwe vorbeschreven Ratmanne vnd Borger tu Everswold alle dat Gud vnd den Pacht, die in der Molen is, vorlighen scholen, also dicke als he ledich wert vnd want sich gebort, vnd alle die dar gut in hebben, scho-

lenf von en entphan, med alle deme Rechte und so daner Pflicht, als et von vns gehat vnd entphan scholden hebben. Ouk vorlate wi med guden Willen vnd vortyen vnse Erven vnd vnse Nachkome-
linghen alle des Rechtes, des wi gehat hebben vnd hebben scholden an den vorgeanten eygendum,
den up genameten Ratmannen vnd Borgern in dessem Brieve. Vort mer wille wi, dat die vorbe-
numden vnser Borger Voyde, Under Voyde, Lantryder, Hoflude noch en gheiner hande vnser
Ambachtlude an dem vorbenümden Eygendum nicht hindern scholen. Vmme den vorbenümden Ey-
gendum hebben sie vns gegeven vnd also bereit betalet Negentich Pant brandenborgischer Pennyng, da-
mede wi vnsern liven getruwen Voygde Hanse von Waldow, Riddern, sine Pant gelöset vnd ge-
qvitet hebben. Dat wi desse vorbeschreven stüke stede vnd vaste vnd ane allerley Argelift ewich
vnd immer holden willen, des hebbe wy vnse Ingefign an dessen brief gehenget. Dor over sin
gewest die vesten Lüde Friederich von Lochen, vnse Hofmann, Laurentz Grieske von
Grifsenbergh, Hans von Waldow, Petir von Trutenbergh, vnse Marschalck, Rentzk von
Gufigk, Claus Sagk, Hermann von Wulckow vnd Gottfried Hager, vnse Kokemeister,
Riddere vnd ander erbar Lüde genuch. Gegeben tu Münchebergh, nach Gods Gebort Dritteyn
hundert Jar, darnach in dem dry vnd vettigsten Jare, an send Jacobs Tage des heiligen Apostels.

Aus v. d. Hagen's Beschf., S. 262.

XXVII. Markgraf Ludwig d. R. befiehlt Rath und Einwohner der Stadt Eberswalde
nirgends, sonderlich nicht in Oderberg, mit Zollabgaben über das Herkommen zu
beschweren, am 18. April 1355.

Noverint universi presentes literas inspecturi. Quod nos Ludowicus Romanus, dei
gratia Marchio Brandenburgensis et Lusatiae, sacri Romani Imperii Archicamerarius, Comes
Palatinus Rheni et Bavarie Dux, discretos viros Consules et omnes Inhabitantes nove civitatis nostre
Everswold in Oderberch precipue et alias injusto theloneo et inconfueto in terris nostris no-
lumus aggravari, Mandantes ipsis thelonariis ibidem presentibus, seu qui pro tempore fuerint in
Oderberch, ut contra antiquam consuetudinem et modo indebito a predictis civibus nostris nichil
pro theloneo uel supra exigant seu requirant. Datum Everswold, Anno Domini MCCCCLV.,
Sabbato ante Dominicam qua cantatur Misericordia Domini, nostro sub sigillo in robor efficax pre-
missorum.

Aus von der Hagen's Beschreibung, Seite 264.